

鰲

峰

集

鰲峰集卷之十一

閩郡徐燭興公著

五言律詩

甲辰元夜曾能始招同屠緯真阮堅之吳
非熊林茂之洪汝合集烏石山

甲辰

約客當元夕空臺坐夜分月光遲碧漢燈影結
紅雲尊酒浮餘栢行厨斷衆聲憑高看萬井簫
鼓競相聞

緯真長齋是日俱茹素

芝山寺過慧上人房

禪房花木裏幽寂勝山居每對裴休語常爲智
永書身能知假合性早悟真如竹院時相訪諸
緣盡破除

過宗上人房

湯休年最少學佛隱芝山月影隨披衲雲光與
閉關真能修道早誰似出家閒不厭坐終日香
爐茗椀間

社集仁王寺

城南高鷲嶺金刹暮烟封路入苔痕古門關樹

色濃雨昏青壁字風裊翠微鐘雅集清涼地頗
遊不厭重

風雨夜有所遲同宣仲賦

脉脉寒宵永薰籠欲燼灰坐將燈影盡望絕珮
聲來蝶去春魂亂鴉啼曙色催愁風併愁雨非
是夢陽臺

葉朝至見訪有贈

神交逾十載識面見情真丘壑同心侶烟霞未
老身囊中詩草秀夢裏筆花新雞黍爲君具相

看莫厭貧

陳可棟遊燕歸過訪

扣門云有客來自湛盧山
舊事添新淚衰年改
昔顏一尊傾魯酒
萬里說燕關不淺平生
意留君勿遽還

送吳元化游武夷

風御響泠泠群真宴幔亭
花源堪避世茗飲自
通靈玉女雲鬟翠
仙人露掌青山中
多秘訣因
此學熊經

我昔經遊慣因君一一言卧雲朝夢鶴嘯月夜
聞猿石峻常無路溪深別有源試看毛竹洞添
得幾龍孫

別家 乙巳

秋杪葉飛殘離鄉路渺漫貧多爲客易親老別
家難夜雨濕龍劍西風吹馬鞍桑蓬元有志雙
淚不輕彈

宿茶洋驛

峻嶺還低嶺長橋更短橋斜陽眠乳犢新露泣

殘蠹松古枝全亞楓疎葉乍凋愁人本不寐况
復是秋宵

登城高巖

一梯緣峭壁梯盡翠千重月照仙城路雲埋梵
剝鐘竹陰饒別洞茶味遜他峰道侶多相識林
僧獨此逢

九日度分水關

嶺頭嗚咽水分作兩鄉流投宿千山暮思家九
日秋停車看楚甸回首憶閩州莽莽風塵色催

人易白頭

自開化至婺源界山行百里

披蒸行嶠岵山逼路疑窮野廟荒林外村墟灌
莽中黃茅經燒黑烏柏受霜紅踏遍峰千疊猶
然在浙東

曉行婺源道中

未曉如將暝僕夫行屢顛客魂松響裏人語鳥
聲前落日影未沒殘星光尚懸玉樓沉醉客方
始擁花眠

松石方丈訪柯謨伯

逆旅誰相識同鄉喜遇君
雲房孤客卧霜榻老
僧分佳句愁邊得清鐘
夢裏聞還期理輕策
謁帝陟齊雲

移寓新安城北石壁山庄

作客嫌塵市移居出遠村
好山都入檻疎柳又
當門石壁藏烟煖溪流送月喧
閒行逢野叟相對坐雲根

余鵬先招集水西諸天閣同高公詎

地主喜招邀寧辭出郭遙諸天開寶相一塔聳
金標松影亂撲地水聲爭赴橋空門無去住頓
使客愁消

武林旅舍逢曹能始自南京回適吳非熊
林茂之亦至夜談有作

兩年江海別逆旅巧相逢各道堪聞事同悲不
定蹤游添詩律細禪奪宦情濃剪燭渾忘寐湖
雲送曉鐘

立春日同胡仲修吳仲飛柯謨伯曹能始

過雲居寺智公房訪吳非熊林茂之

尋僧攀曲磴訪友扣閒房
栢葉迎年綠松枝紀臘
蒼暮陰昏野色春意暖
湖光欲覓中峰路隨雲
到上方

人日同德符非熊能始茂之過海潮禪院

訪廣詢上人

丙午

客遊尋佛剎人日憩僧寮
林影分巖翠鐘聲答海潮
翻經開講席得句入詩飄
宴坐爐烟細都將世諦消

朱太冲携酒過玄元閣同曹及渠汝載潘
致虛沈完真王敬之張穉通夜集

故人睽別久尊酒續前盟共嘆容華改堪悲世
事更清宵孤燭話舊雨十年情擊節高歌放難
酬白雪聲

吳興飛英塔同潘致虛登

昔年曾一陟此日復攀躋風擊鈴聲斷雲移刹
影低桑麻通萬井蒼雲合雙溪迴睇斜陽暮空
林亂鳥啼

重遊天聖寺懷謝在杭顧長卿世卿

不到吳興郡重來又十年
烏啼鐘院月僧扣華
門烟畫竹留殘壁
寒花落暗泉
因思舊遊者
惆悵各雲天

重宿吳興報恩觀

寂寂玄都觀劉郎兩度來
黃冠俱舊識碧樹總
新栽法磬寒敲月空壇
夜檄雷昔年題咏處
一半上蒼苔

諧賞園訪顧世卿時長卿以前一日發舟

入閩矣悵然有懷

烟水吳江曲停橈一問君悲歡情不定懶慢事
難聞梅徑飛殘雪松窓閉片雲獨憐于役者咫
尺悵離群

同沈從先夜訪范東生值黃伯傳戚不磷
夜集有作

僦居吳市遠新識覓君難相問俱同調深談各
盡歡紅麩春釀煖青剪夜燈寒喜極應忘心寐西
隣雞唱殘

遊勾容崇明寺寺爲西晉司徒詹捨宅梁
昭明題額義和寺宋太平興國賜今名
題銜梁太子捨宅晉司徒殿缺松陰補碑殘蘚
色糊雲廊眠野衲風鐸戰浮圖縱目憑高閣茅
山半有無

句曲道中望茅山

句曲驅車蚤平原古路賒烟迷鶯外柳風落馬
頭花鐘阜明初日華陽絢曉霞茅君兄弟在何
處問仙家

陳幼謙携酒集姚伯發園林同葛震父周
喬卿郭聖僕聖胎余公傳諸君賦得梅
下調鶴分得無字

繞屋寒梅古當門野鶴孤窺人穿雪步尋伴入
雲呼啄樹香初散眠林影欲無名園清絕處彷彿
在西湖

同聖僕子丘過永慶寺訪蘊璞上人

遠尋蕭帝寺因扣贊公房芒屨入松翠薜衣沾
草香寫經深隱几說法別開堂信步空林下相

携看夕陽

同蘊璞聖僕子丘登謝公墩

謝公不可見今古姓名存
落日殘山色微風細
草痕樓臺千佛寺烟火萬家村
興廢何須問啼鳥在白門

棲霞寺

攝山高不極寺裏翠微生
法侶元稱顛微君舊姓
明巖飛千佛影鐘咽六朝聲
拂拭陳江總殘碑卧化城

訪郭聖胎讀書永慶寺

讀書居古寺兀坐閉禪關
佛火燃燈易香厨寄
食閒下帷鄰碧樹散帙對青山
除却緇流外何人日往還

雙樹菴爲郭三賦

十笏袈裟地門前樹一雙
先生元姓郭居士得稱龐
法性棲常定心魔坐自降
借將三昧火來照讀書窓

同林宗震父聖僕聖胎訪後之寓園移酌

花下

作客園居密尋君扣竹關蟲飛花葉暗雀乳樹
枝閒露液傾春徑烟鐘響暮山相懽各同調吟
眺自忘還

同郭聖僕過天界寺

精舍依雲木經臺近雨花夕陽雙樹隱殘雨半
峰斜碧水明槽眼紅光絢佛牙潭公歸寂久留
得紫袈裟

雨夜林茂之吳明遠過宿鷲峰寺

漂泊誰相問，羈棲傍化城。
他鄉孤客夢，殘燭故人情。
未得旅情愜，預愁離恨生。
聯牀談到曉，寒雨送鐘聲。

送曹汝載還家

苕川曾說別，又向秣陵逢。
作客權同聚，還家恨莫從。
春雲迴二水，曉月度千峰。
此地竹林酒，相看惟仲容。

同胡長白曹能始林子丘茂之集張後之
卧遊樓雨後晚望分韻

千山宿雨收薄暮上高樓柳色新如沐林陰冷
似秋石城連關迥淮水入江流信美非吾土登
臨傷滯留

寄王未啟讀書北雍

去歲涼風夕淒然送我遊誰知殘雪後君亦客
幽州見面皆憑夢封緘每寄愁功名須努力易
度是槐秋

君方留薊北我尚滯江南爲客各無計思親俱
不堪旅懷惟爾識勝事與誰談近得雙魚信籌

燈讀再三

能始過鷺峰寺夜譚同仲嘉茂之分得吟

字

風吹月滿林古寺閉門深自喜僧同坐何期客
見尋石窓燈影靜松院磬聲沈四壁鳴蟲切清
宵伴苦吟

味鐘山一人泉同子馬能始茂之

涓涓有勺水乃在蔣山隄清碧浮深坎澄泓注
小池後先人獨酌冷煖客皆知何必逢廉士終

當一飲之

同子丘茂之過朝天宮

是古冶城地

空廊廻九曲高閣俯千家壇古雲常宿林陰日
易斜山晴松卧鶴城暮柳藏鴉童子能迎客籬
門掃落花

湯惟尹謝友可二比部招同馬弢叔兵部

臧晉叔國博謝在杭比部曹能始戶部

梅子馬少府李休徵別駕汪仲嘉周喬

卿洪仲章吳明遠集秦淮水閣

良辰開綺宴海內集衣冠淮水平虛閣鐘山入
畫欄雨催花信早風釀麥秋寒文酒多在話同
聲各盡歡

秦伯起滕惟遠招飲避暑

河朔追名飲邀權約客過署閒稀插棘池淨亂
舒荷林際炎威少窓中紫氣多清音在山水良
會罷笙歌

夏日客舍寄惟揚弟

天涯從浪跡魂夢在家林長日應難度炎歊更

不禁友朋稀往返山水廢招尋竹篠涼風襲思
鄉念轉深

寄題廬山

聞說匡廬勝青山繞雁堂瀑懸千仞布爐出半
空香竹裏峰雲濕松間岳月涼思携蒼玉杖一
扣遠公房

五峰天外秀雲際露丹梯池水碧如鏡樹陰青
若薺山深稀鳥度夜午有猿啼千載寥寥後何
人過虎溪

故太子少保戶部尚書中牟張公輓歌

元老關天象尚書領地官一朝辭劍履百辟仰
衣冠邦教敷陳缺軍儲倚辨難聖明思碩輔哀
詔下長安

盡瘁勞方王事年衰愈竭忠靈輒函玉骨遺疏表
丹衷塚塋卽山北魂歸汴水東平生匡輔志都
付白楊風

九載司徒貴孤卿秩更升如何乘化速不待蠶
書增天上騎箕尾朝中失股肱四方來白馬哀

顓滿金陵

丹旄陪京去翩翩指洛陽秋山豐碣暨夜壑巨
舟藏杜宇爭啼血哀猿各斷腸欲知身後事遺
業在青箱

金陵大內恭述十章

龍興成帝業聖祖此垂裳天闕當宸極鐘山繞
禁墻威儀師舜禹錦繡陋齊梁禾黍離離感蕭
條二百霜

賢君稱續緒曆祚建文年主器元歸震皇符正

握乾樓廢花萼句殿賦柏梁篇幽薊龍飛後明
堂鎖真烟

三殿輝金碧當年一炬灰彤墀餘瓦礫丹陛自
蒿萊鳳駕攀難返龍髯泣不回淒涼革除事徒
益小臣哀

層甍通井幹興慶有遺宮寶飾龍牀在香消鳳
幄空宸居皆宸北帝座正當中惟見閒花草年
年泣露叢

翠微長寂寞金屋達坤寧緩箭枯宮漏長門閉

掖庭管絃聞野鳥燈燭見飛螢
基履消芳迹秋陰冷畫屏

清廟虔禋祀神宮儼奉先
河山無改漢禴禘已歸燕
蔓草侵堂瓦寒花落几
筵壇前松柏樹霜露自年年

輦路宮車絕陰雲隱玉巖
樓臺巢鶴鶴班序隔鷓鴣
苔繡金鋪冷花飛寶帳寒
御容留黼座誰敢舉頭看

青宮連左个養德屬儲君
銀榜空明月銅扉滿

白雲問安皇寢遠侍膳孝思勤葆吹從風杳傷
心在懿文

殿名標大善錦石疊成峰鳥跡蟠虛座蟲絲網
舊鐘莊嚴龍藏廢頂禮聖恩濃五粒松枝在還
添翠幾戔重

二帝宸游地山光擁御園柳垂仙禁密花繞上
林繁橋斷虹邊影池枯雨後痕枝頭舊鸚鵡能
說上皇恩

石頭菴懷蘊璞上人

亂松千佛閣修竹一僧居
峰影青垂几泉聲響
傍廬尋幽來客少受偈學人疎
何處留踪跡他
山譯梵書

同藏晉叔梅子馬胡仲修
諸德祖曹能始
林茂之避暑天界寺

何方堪避暑此地最清涼
一榻傍禪境孤鐘來
法堂殿高風自入林
靜口偏長宴坐心如水時
聞茗椀香

訪胡彭舉幽居

不求名與利長日閉柴關
徧訪幽人跡誰如之
子間屋邊江總宅墻角
蔣王山慎莫吟詩苦吟
多髯易班

別吳允兆

青山長不出湖海識君遲
願見應多日論交若有
期歡情殊未已別緒卽
相隨浪訂重逢約重逢
逢足幾時

弘濟寺

逶迤江上寺曲徑入松青
房偃千年樹碑殘六

代銘燕磯衝巨浪魚網晒寒汀我欲尋幽勝扁
舟暫一停

同謝在杭曹能始集陳元凱署中

爲官已三徙不離舊京華農部嚴搜粟公庭喜
種花交情盡鄉曲談笑總烟霞一片鐘山色飛
來映晚衙

登金山寺

金碧前朝寺微茫島嶼幽岸隨潮勢濶雲逐水
聲流遠樹分瓜步殘山隔潤州臨高聊一望萬

頃海天秋

登北固山

山形橫北固水勢盡東流
甘露前朝寺殘雲古潤州
驛連京口樹浪拍海門
舟俯仰興亡事淒涼六代秋

治平寺

泊舟尋古寺湖水接禪扉
茶磨山光入松門日影微
鳥隨烟磬下僧度石橋歸
淨境無人到閒雲自在飛

觀音菴

有石橋石洞之勝

山根開石洞積翠滿苔龕斜日影在樹晚風聲
落潭橋危形欲斷泉湧脉能耳信步松陰下僧
歸暮靄南

王百穀招飲松堂病不能赴口占奉謝

吳門爲客日回首十年春正爾思看竹何期抱
采薪空懸堂上榻莫掃徑中塵更待携尊酒來
爲問字人

題潘穉恭小像

相慕十年餘今朝識面初交情盟水石風采見
璠璣紅粉調新媛黃山夢舊廬清時正招隱未
許賦閒居

送夏給諫王大行冊封琉球還朝

李郭乘舟去風帆入島夷俗知周典禮民識漢
官儀使命榮朝野皇恩遍海涯艱危赴王事歸
不過瓜期

仙槎乘漲海絕域到中山王貢通窮髮皇風被
百蠻乍臨鮫蜃室久別鷺鷀班遙見見星文動雙

雙使節還

送曾用晦北上兼寄王永啓陳伯全

待詔上公車惟君多讀書榮哉此行役去矣莫
躊躇馬踏霜花早帆飛雪片初賦才元自美計
日召相如

陳子已金馬王生新擢科憐君當此去帝里共
鳴珂知已風塵隔故人霄漢多紅亭一分手對
酒不成歌

送鄭汝潤入洛

丁未

萬里初爲客迢迢向洛城獨驅征馬色愁聽杜
鵲聲路出潼關險山連鬼谷平少年工作賦應
並陸機石

觀書

久謝經生業芸編日卷舒枝離言深亥豕歲月老
再蝕魚帙散秋雲外燈篝半夜漏初自知窮有命不
廢十年書

煮茶

幽窓閒獨坐山茗侍兒煎新火活爇竈古鑄寒

注泉睡魔恒自退渴病幾因痊更取茶經看清
風美玉川

焚香

名香焚石鼎芳靄鬱重重篆曲游青蚓烟蟠起
黑龍風徐馨自遠晝未味偏濃百和如花氣時
時誤蜜蜂

洗硯

呼童淨洗硯檢點讀書房端石濡逾滑陶泓拭
自光不嫌池水黑尤愛墨華花香移向捲陰下消

閒寫數行

義溪別伯孺幼孺

巴下十九首俱與馬季聲同行之作

征車停一餉說別恨匆匆畏路難行日離情不
語中斷鴻孤叫月獨馬病嘶風自笑謀生拙年
年嘆轉蓬

夜集蔡景明先生宅

薄暮訪園林相看坐夕陰一燈今夜語廿載故
人心世味貧偏澹交情老更深明朝行役促愁
緒總難禁

曉發溫陵蔡調中携燈載酒來送

送我溫陵道明燈載酒來聽雞魂屢斷策馬首
頗回露重寒蕪濕風高落木催離愁如曉霧半
日鬱難開

甘棠驛

單車貪遠涉古路繞甘棠小犬眠斜徑寒蛩咽
壞墻行人投驛急野叟趨墟忙步步看山色高
松掛夕陽

訪林德芬刺史卽別

臨漳乘曉發下馬獨相尋
卒卒一杯酒勞勞千里心
雁行分曙色蟬韻聒秋陰
暫別卽回首還期再入林

盤陀嶺

匹馬出臨漳西風嶺路長
翠禽啼在樹黃犢卧平岡
秋色關門靜晨炊野店香
不愁單袷冷知己近炎荒

至雲霄驛與馬未便停旅舍一日有作

欲盡閩南路巖崎不易行
遙山連巨浸古驛繞

荒城關險嚴津吏時危集邏兵
征驂停逆旅翻使百愁生

雲霄里吳侍郎墓觀李文正神道碑

松楸青鬱鬱御塋侍郎墳名德
三朝重功勳四海聞野禽秋叫
月石馬夜嘶雲絕代長沙筆曾
刊幼婦文

曉發雲霄道中卽事

驛程南去早馬色逐雞聲客路
重重嶺人烟處處城白魚腥入
饌黃犢小傭耕稍覺風烟異還

添逆旅情

黃岡道中次季聲韻

乍入黃岡鎮初經五嶺東城圍山勢裏路轉燒
痕中蛇噴諸峰霧魚腥一市風前村燈火起點
點隔林紅

千峰環粵徼海近夕陽多樵斧響青嶂漁罾投
碧波花深蜂結隊樹密鳥尋窠遠道艱危甚迢
迢匹馬過

彥溪夜泊

夜色靜冷冷沙邊一棹停蘆花諸浦白蕉葉幾
村青月黑鳴田犬風微度水螢閩山行暫息江
海又漂零

經長樂城懷張叔弼

城邑傍巖阿停舟此地過片雲糊列岫落月浸
寒波海遠魚蝦少山深瘴癘多低回詢舊令處
處有絃歌

通衢驛嘲季聲

舍舟仍策蹇古驛稅通衢地接龍川近山圍雉

牒孤黃茅低結屋紅粉笑當墟自有留情處何
愁滯旅途

官梅閣

正德中吉水李刑部中謫通衢驛永種梅花
十數株造官梅閣于驛亭至今繁盛

謫官投荒驛官閒喜種梅寂寥百年內爛熳幾
枝開東閣寒香入西窓念瘦影來徘徊想遺韻花
下坐街盃

藍口驛登獨石山亭

天際雄千嶂江中秀一峰
村墟依水竹臺榭俯
雲松徑滑泉偏溜
碑新藓未封
徘徊殘照外
忽報驛樓鐘

莫村驛

荒阪行人少平沙對驛亭
風催松子落烟雜荔
奴青地曠田稀種村孤
廟不靈野花開蒲路秋
盡未凋零

惠陽江口與季聲別

出門同策騎此地忽分携
遇勝祇獨往有詩誰

其題依人俱落落爲客各淒淒一片離魂惡隨
君到嶺西

獨向江頭望愁看五兩開孤身行嶺表幾日到
崑臺去住應難挽漂零信可哀羅浮元有約待
爾早歸來

游豐山永福寺同徐麗甫作

前朝名利古嶂影認諸天樹色依禪榻湖光到
梵筵僧歸黃葉外漁唱白雲邊日暮山門望西
風吹木棉

過豐湖玄妙觀同徐羅伯

古觀豐湖北波光四面寒雨痕消畫壁生雲影鎖
星壇吉貝花零落枕榔樹鬱盤碧容空寂甚何
處覓黃冠

惠陽旅夜懷在杭

獨客羈南粵山川古惠州宵長恒聽漏冬盡不
披裘橘綠林中樹蕉黃水上洲不知靈運夢幾
夜到羅浮

同麗甫再過西湖

作客意不愜屢尋湖上游竹深村舍暝葉落寺
門秋雲引鐘聲過波涵塔影流欲窮林水勝渡
日曠六漁舟

歸善合江門與盧興寧同舟至龍川作

平原期不負十日接清驪酒餞相醉樂餘鯉對
坐安霜凋冬葉盡月湧夜江寒縱是蠻鄉惡渾
忘客路難

老龍公館小憩

行盡循州路江廻水勢窮嶺頭迎塞廢山曲敵

樓空瘴重嵐光合久深日色融莫言荒服地車
馬往來通

興寧縣城晚望

循州多複嶺此地得平田樹色溪流外鐘磬塔
影邊山連徃子峒江聚番民船一望千村裏牛
羊歸暮烟

興寧水口巡司別廬于獻明府

祖筵臨綠水送我上歸舟目斷山雲合魂消江
月流殘年辭越嶠計日到閩州已識君爲政無

須說薄遊

至漳浦宿林德芬夜話

候火兼程急敲門子夜時問君聞近事看我粵
新詩剪燭更聲盡街半月影移雞鳴催出客後
會渺難期

暮過千佛殿憩磐石上待月得雲字

戊申

覓得清涼界圍蕉坐暮雲松風同客受苔石與
僧分密葉爭蟬響重林亂鳥群紫榆花上月流
影日紛紛

六月四日鏡瀾閣食桂林荔枝

結夏過高齋乘涼與客偕會尋扶荔勝品得桂林佳白傳圖珠顆間娘落繡鞋間來徵舊事半可續齊諧

謝在杭亭上見小龜食殘荔枝賦之

餘香拋滿地曳尾出泥塗詎識玄衣使來餐白玉膚未能身化石猶自口銜珠服食還增壽將旋卷耳無

同丘文舉江中譽蕭鄮侯鄭僑也王女亭

過寶山寺

上界輝金碧青山繞梵宮鳥啼修竹靄蟬咽古
楠風法藏孤輪轉禪房曲徑通冥心忘去住斜
日下遙空

同丘文舉王久亨福山寺看菊

落日禪關閉敲門借菊看蒲籬霜色媚三徑露
香寒欲作陶家采還思楚客餐清幽三元足賞隨
意且盤桓

宿營頭公館見吳仲聲壁間詩

瘦馬歇層巒征夫到夜闌危橋雙澗合古壁一
燈寒扣月秋鐘斷催星曉柝殘故人題味在獨
坐幾回看

先妻週年志哀二首

死別無歸日俄驚一歲週蕙帷閒獨夜菱鏡掩
深秋豈意先黃壤空期守白頭悽然傷往事雙
淚不禁流

分翼在中途神傷日月徂少兒生失母家婦到
無姑故篋香全滅寒燈影半孤聖人魂已斷况

復感啼鳥

同陳叔度吳元化李漢卿至神光菴因憶

雲空上人

巳酉

雖在都城裏十年才兩過門閒
堆葉厚刻古蝕苔口多落日春山寂
微風晚磬和影堂燈未滅不見老禪那

吳元化後園藤蔓過牆半垂
余齋花時邀惟素景情叔度
子血麟甘共賞分賦

古壁藤花合春深歷亂開
平分一面好全藉隔

隣栽雪已向墻陰積香從屋角來東家蝴蝶影飛
去又飛回

暮春望後同張集虛張陽生陳叔度吳元
化高景倩過九仙山憩石牀小酌待月
而歸共用牀字

仙人化已久片石尚名牀坐處蘚痕斷卧來雲
氣涼亭臺思往昔時事感滄桑日落不歸去引
杯邀月光

同叔度過南澗寺

前朝有名刹高傍澗之南傑閣曲依磴古榕斜
亞巖香烟衰佛宇祿祀盛伽藍葺血難除遺清
遊總不堪

過張陽生烏石山館

烏山多勝處君獨占清幽翠壁牀頭見寒泉砌
下流松陰粘石磴花影動簾鉤茗椀堪供客聊
爲半日留

哭陳道源參軍

詞客不長世年高惟有君尺書方得達哀計忽

相聞燕子樓。扇月龍泉劍。吼雲遺詩留。留滿篋。寧
愧鮑參軍。

國溪訪林子實。因感鄭子警。魏以肅。一君
物故愴然有作。

十載不相見。念君長自深。故交生死淚。遠客別
離心。步逐溪花影。譚移廟樹陰。殘更猶露坐。涼
月在衣襟。

建州觀漲

一夜千山雨。春流與岫平。坳從溪曲斷。舟傍樹

稍行天映徹茫色灘增霹靂聲滔滔東去急
絕故鄉情

過一曲雲龍道院因懷故道士瑛一閒

峰下小精廬錢鏗舊日居深松隨自老蔓草不
教鋤漢石瑤壇在秦亭彩幔虛道人羽化久蠹
粉滿丹書

題城高巖僧舍

峰頂標名剎重來又幾年蒼厓流竹靄香積起
茶烟梯影前山見經聲下界傳欲看溪上水更

陟白雲邊

杜韜巖拜呂純陽像

芒鞋穿牙萬壑身到碧霄邊
簷溜千年雨樓扁半壁烟
松筠綠絕磴桑柘見平田
不憚尋真入焚香拜呂仙

馬頭巖題吳子禎道士丹房

巖中瘞其本師張凝菴蛟

曲徑迴松竹聞雞識遠村
山晴常晒藥日午不開門
道煉形神妙師遺蛻骨存
丹房依列嶂寧用鑿雲根

武夷溪口送江仲譽先歸

巖巒遊未遍先別武夷君
竹杖帶殘瀑薜衣携
亂雲山從仙島隔路向水源分
此夜千峰月清
鐘不廿六聞

鵝湖石溪舖見邵汝高留題次韻

雨色曉冥濛溪流響不窮
午烟孤店火寒葉亂
山風路出鵝湖北人行鳥道東
淒涼懷故友魂
斷數聲鴻

靈隱寺松隱堂訪耶溪上人
人不遇

遠公飛錫去客至步空廊暮色群山紫秋聲萬
木黃石泉閒洗鉢珠殿寂焚香松隱堂前望東
枝亞舊房

訪虞長孺銚部賦贈

早習虞夫子奇文徧海濱聽言知道合識面見
情真歲月盡魚癖山林猿鳥親淨因當證果暫
現宰官身

懶作清朝吏西湖買一椽雷峰看落日雲霞試
名泉借樹拋樵斧尋花借釣船從來雙屐跡不

到市城邊

讀書林下屋山色壓簷簷青滿榻共編亂終年竹
戶扃窓中無野馬囊裏有乾螢著述輕刑畏合
毫疏孝經

名理元堪賞風標本足師看雲思弟至步月與
僧期葺美頰歌曲花殘屢賦詩予生幸不晚正
好在同時

登南高峰同吳德符

路峻少人遊行行足屢休峰高常蔽日樹容易

生秋廢塔存三級
僧老一丘江潮與湖水都
向眼前流

法華臺

因禮壽禪師舍利新塔

招提深處入臺殿
宸南屏過客此隨喜
法師曾誦經
樹栽郵識臘花散
尚餘馨舍利重營塔
鑄誰長者銘

題徐字生芙蓉軒

徙宅茗溪水移居
瑞石山芙蓉當戶翠
苔蘚上墻斑
問字客携酒乞書
僧扣關爐烟靜茗
椀長

日有餘閒

孤山和靖墓

青山浮一點綠水影周迴
宰木已成棋梅花空
自開窺林猿跡少巢柯鶴聲哀
天際黃昏月精靈獨去來

登六和塔

同玉生賦

宰堵立層層秋高快一登
峰形月輪滿潮勢雪山崩
宿靄常埋頂寒波近照稜
隔江烟火起極目見西陵

題衢州祥符寺

名剎表三衢開房借一區山形來太末寺額紀
祥符佛火依雲暝僧鐘扣月孤旅遊無所事晨
夕禮毘盧

黃元樞暨令子休徵方仲閣孫不伐徐震
伯方孟旋集鑑公房得楓字

無人尋逆旅約客過禪宮白社欣初結青尊喜
暫同雨聲喧亂竹霜氣染新楓在會緣非偶清
談有阿戎

訪孫不伐園居

一室傍城陰名花繞曲林雲流池上墨風響壁
間琴交托鹿麋友嘯成鸞鳳音家貧偏愛客客
亦愛相尋

題徐汝長蓬蒿居

一室蓬蒿滿人疑仲蔚廬清幽堪宴坐間寂稱
攤書翠落風生處香來月上初苔空言居太僻長
若日停車

宿莊前旅店

開化德興之界

驅馬千山路前林日色斜問程尋旅店沽酒入
村家翠落杉松影香來蕎麥花饒陽何處是目
斷楚天涯

登鄱陽永福寺塔

寄居前代寺因陟古浮屠朱檻盤雲曲金標卓
漢孤楚山青繞郭鄱水白吞湖彷彿騰空界平
聽雁鶩呼

薦福寺尋雷轟碑戴叔倫書堂

招提標勝地曲徑繞湖濱石闕燒雷火書堂照

夜燐松檜諸嶺翠花落半洲春細問前朝事
臨風憶古人

番君廟讀趙文敏碑

一千九百載血食鎮番陽選將擊秦卒與師勤
漢皇草生神座穢花落廟門香承古豐碑在龍
蛇走畫廊

聞林志尹詩

客到聞君死哭君君不聞咨身無故業付子但
遺文委巷生寒草書樓鎖暮春雲更留一掬淚歸

去酒新墳

往歲家兄歿多君哭附棺今年君弗祿含斂我
違看知己枉云客交情殊未安客中函問至累
日不成歡

與喻宣仲夜話

情爲思君劇相尋且寄蹤間搜數載話坐到五
更鐘湖海聞新事風塵改舊容真成會面日不
是夢中逢

同朱鬱儀圖南邵泰素集喻宣仲齋中

雅集延同調相離坐一燈
葉填池影耗雲壓屋
稜崩暖沸香醪雪寒凝
燭淚水寂寥
旅客况良夜得良朋

同朱簪儀圖南安仁喻宣仲集北湖圖南

推觴

野酌坐平阪澄湖衣上明
歸漁投斫靜倦鳥掠
波輕烟際遙村色
霜邊落木聲
暮霞光滿路
照客入巖城

魏辟疆宣仲圖南集簪儀第

邀賓能設醴不厭日相過榻下南州數書日孜孜
家多詞源看倒水談口聽懸河恍似蘭亭會風
光晉永和

至日客臨川

節序他鄉值淒涼百感并已當殘臘逼又見一
陽生竈火沙邊船吹烟水上城閉關當此日猶
作旅人行

建昌旅懷

遠遊無定跡千里絕音塵雨雪纒雙鬢風霜煉

一身愁中長短句夢裏死生人漸喜闔天近看
花及上春

曉度杉關

杉木環高嶺關門曉色蒼土音聞故國客路盡
他鄉嵐氣昏初日林光薄早霜家園知己近檢
點橐中裝

重經樵川仁壽寺近燬因尋往年所寓舊
寮恣在煨燼中不可問矣愴然有作

重過屏山路荒基問梵宮松枯砂磔裏花死劫

仄中狴座崩成土鳧鐘鍛作銅舊僧亡竄盡始
信釋門空

人日同叔度元化景倩登天秀巖次叔度

韻

有元東壁亭記刻于石

庚戌

細讀前朝記考槃人在阿佳山寧肯放美景不
虛過巖閣雨陽少亭崩年月多平泉新劫閣天
秀又如何

今爲薛中丞別業

答贈渾然道人次韻

十載一爲別無書直到今忽傳丹訣至知住白

雲深種竹供鑽笛栽桐備斲琴
留情憶朋好方外豈無心

五岳行俱遍何山不是家
雲衣經雪敝斗笠受風斜
芝茁莖莖髓榆飛歷歷花
一生殮不盡三十六峰霞

歲月洞中居歌聲徹紫虛
霧埋山閣密月映水簾
疎每賦游仙曲頰題寄友書
獨餘文字癖老去未能除

丘壑知余性山林見爾情
蟠桃何日竊大藥幾

時成竹老龍孫長松高鶴子生牀頭風雨夕蕭
蕭劍雙鳴

藥師殿題華上人房

開土開蘭若琉璃照藥王鳥來齋後磬峰戀定
前香草氣浮寒井花陰鬱曉堂城中千簇寺惟
愛此雲房

周章甫過宿竹房

纖月鉤林影客來開竹關坐當藤格冷夢入紙
衾閒白蠹盤書笈青蟲撲硯山預愁天易曉松

際送君還

咏掛蘭

異品來從楚，高懸瓦屋東。
根生寧着土，香度若騰空。
洛浦姬乘霧，江濱女御風。
何須疏九畹，飄蕩綠芄芄。

暮春同惟秦伯孺元化子才景倩過王生

郊居

共約烟霞侶，尋君出郭東。
犬眠花圃露，蝶護菜園風。
歲月丹青裏，人家蒼翠中。
客來添酒債，翻

使嘆囊空

憩越山菴

淨室翠峰前，經臺恠石邊。
竹繁刪幾畝，松老種何年。
破衲披林靄，殘鐘出嶺烟。
淹留忽忘日，閒坐又閒眠。

送陳元明由松溪之枯蒼

薄遊何所適，一劍實行裝。
溪渡新松翠，山尋古
枯蒼懷中磨，短刺筆底擅。
長康滿路雲，巒色因
風寫寄將。

送守叢上人之順昌

禮塔勤膜拜閒身不肯慵偶然携一錫便欲到
雙峰旅思高灘棹禪心彼岸鐘從茲苔徑裏來
往少僧蹤

送湛然禪師還雲門

蓮花生舌上在在露機鋒住世多傳法逢人只
說宗草鞋雲際路桐衲雪中峰去趁樵風便還
山聽石鐘

雲門山寺古大令有遺居竹院馴香鶴苔口龕鑿目

木魚錫飛千嶂外
飯乞幾家餘
坐爛蒲團草觀
空心湛如

松枝東向久歸掃
寺門秋舊院堪容足
寧須買
沃州泉流孤澗寂
雲閉上方幽
禪理何因熟
先師帛道猷

去路蒼林遠
鄉山認會稽
右軍鵝已散
支遁馬
猶嘶悟性經
文譯隨身
剪尺携青鞋
將布襪
吾欲卜幽棲

宿高氏橫嶼山庄

東郭橫孤嶼村庄背嶼東盤餐招野客襍被借
田翁屋角駒鞞雨門前穉稭風山深無夜漏坐
待月當空

辛亥元日同喻叔虞過神光菴因登烏石

山
辛亥

呼童携栢酒約客扣松關不答新年拜因偷一
日間剔苔摩古篆披草卧春山坐盡爐烟冷斜
陽未擬還

二日同喻叔虞登大夢山

廉山青繞郭對坐藤堪盤草色濃成樗松枝曲
碍冠筆降雲外秀墨沼雨餘乾春早湖光動澄
波似練寒

初春同叔虞憩越山菴

青山在城裏况復有僧家窓外竹栢影圍邊桃
李花香來朝呪飯濤響午煎茶地勝可爲樂偏
逢風日嘉

元夕同伯孺集叔虞鐘山客舍得鐘字

杯殘餘栢葉燈燄吐芙蓉不顧雞聲恐頻看鳳

蠟濃星橋開夜鏤月殿動晨鐘光照天門近茲
山有燭龍

修稷日施大將軍席上送張紹和還霞城
越此流觴會離杯喜暫同驚濤帆峽北歸夢驛
江東馬首橘花雨鶯聲楊葉風消魂難賦別因
借劍歌雄

黃若木自吳楚歸賦贈

游吳還適楚垂橐故園歸積學雖云飽逢年苦
值儀文高知己少俗薄禮賢稀好振扶搖翮終

當一奮飛

彭興祖過集山齋次韻奉答

別離逾十載偶遇若相期贈我銀鉤字酬君金
屈卮蕉陰風響裂衣花鬱露光滋共話他年事還
慶此日詩

送彭興祖還吳

一十五春秋閩中兩度遊青山常入夢白髮漸
生頭屐爲尋仙躡書多應客求荔枝餐欲盡歸

卧百花洲

泊舟新岐因憩岐山寺

忽艤沙邊櫂來尋江上村危峰晴嵐剌在樹老
當門翠靄迷珠網香風動寶幡數聲鳴石磬花
雨落黃昏

宿雪峰晨翠寮

佛火冷無光聞鐘宿上方萬峰齊釀雪一榻獨
眠霜入夢野泉響打窓山葉狂擁衾那覺曉銷
盡定中香

別雪峰

不忒別禪關回頭望碧山僧隨雲影去路逐澗
聲還往事千年在浮生幾日閒村程勤記憶猶
與再登攀

拜黃勉齋先生墓

幽墳荆棘裏傳是宋名賢古柏摧荒穢豐碑立
野田西風誰下馬夜月自啼鶻冷落清明雨無
人掛紙錢

過本宗上人墓

在壽山之陽

本師金骨地松栝又經春昔日是空門友今爲山

鬼隣蜉蝣悲巨暮猿鳥哭昏晨寂冥千峰色浮
雲了幻身

題前洋梁氏山樓

幽居人跡少客至始開門耕鑿遺風久衣冠古
意存竹陰當戶翠松響入樓喧嶺上桃枝在花
時出水源

宿丘氏山庄

入林何太密度嶺憩幽居竹影碎臨戶稻花香
繞渠未秋完園賦入夜課兒書莫道柴門迥時

停長者車

謁鄭介公祠

壬子

山色雙旌繞芳祠
枕碧流畫圖危
一疏俎豆穩
千秋雨泣孤臣淚
雲添逐客愁
汗宮燭柳色
此日亦荒丘

顧彥白翁朝會石應侯在集小齋廿六得然
字

忽在高軒過同心
吐論玄紙窓孤燭
雨石榻半
爐烟蛩語依牆咽
螢光傍草然
蕭蕭叢竹裏不

減入林賢

同四明羅高君溫陵何穉孝清漳張紹和
長溪張叔敬集馬季聲書樓秉燭觀其
架上書其用樓字

故交歡雨集書癖各相投絳帳原稱馬青編欲
汗牛芸暉香繞壁蓮炬影當樓脉望曾三食林
誇富鄴侯

寄張鵬父

一別心期遠俄驚十五年情跡麋鹿戀書倩雁

鴻傳盱水堪移權麻源好種田揮毫當醉後草
聖憶張顛

謁林文昭公墓

癸丑

閩南開理學林氏表三山朽骨泉臺裏芳名天
地間墓門松偃翠碑石蘚凝班仰止勤瞻拜儒
風杳莫攀

題祭酒嶺林氏田家屋壁

一區田舍僻借宿兩旬留沙暖晴眠鴨池渾暮
洗牛山空松子響門靜荔奴幽睡足三竿日紅

塵任道周

犁鋤閒掛壁農事畢山家燕子秋歸社蜂王午
散衙新霜焦草色殘月瑩梅花廟社喧田鼓甌
婁祝滿車

送王永畏之海澄

甲寅

秣馬趨漳郡乘舟渡海澄城形排似品霧氣鬱
如蒸有市人爭聚無山客罷登從茲修竹裏閒
話少良朋

哭龔伯起秀才

嶺表初歸馬俄然聞訃音讀書時不遇嗜酒病
相尋無子哭靈位何人捐贖金回思同筆研不
禁淚沾襟

雨中宿林蓋夫齋中次韻

乙卯

欲問楊雄字頻來扣草廬樽開留客酒架積課
兒書叢桂含烟後疎簾過雨餘新知應最樂不
惜暫停車

和謝修之西軒待月

獨坐西軒夜俄看月出東雖然離海上猶未入

窓中鏡放塵微掩輪飛影半空謝莊成賦後圓
壁掛簾櫳

蘇子介以歛縣令卒于官至泉聞其凶問
哭之

正當強仕日聞訃忽驚疑天意因何斬人情詎
可推全家舁旅櫬無處哭靈帷悽愴西鄰笛魂
消夜月時

宿江東驛

未至龍溪邑先停虎渡橋平江春渺渺殘雨夜

瀟瀟鄉語微能辨，離魂最易消。豐碑橫道左，書
法賞前朝。

遊鼓山泛舟出瓊河宿陳氏池館

落日掩遊艇，名園借宿閒。荔陰青繞榻，松色密
當關。月照身臨水，風吹夢到山。潮平催放棹，拂
曙共登攀。

鼓山下院憩雲際菴同何舅悌

寺古臨青嶂，菴深際白雲。泉流雙磎合，巖翠兩
廊分。客到衝秋靄，僧歸背夕曛。相期眠石洞，鐘

在下方聞

蔣都運招集洪中翰半嶺園分得通字

燕賞偕賓從名園半嶺通寒生榆莢雨春老棟
花風拂塵談如屑委蛇退自公當尊山翠重都
忘是城中

寓嵩高丘聖君廟

儼居尋古廟危磴躡層層竹引泉聲落藤支石
勢力崩雲廊吟對客香積爨依僧不斷黃梅雨推
窓滅夜燈

蕙石珠菴

剎影白雲巔禪關孔道邊塔同文筆卓石似寶
珠圓樹色當樓入鐘聲隔嶺傳醫王有神方祿
祀盛香烟

鄭季卿携觴招集青山書院同林子實

不放下江舟因余故暫留論心輕泰岳携手陟
嵩丘水色晴浮竿林光暮入樓羨墻思對越坐
食好賚酬

夏日赴華林寺供逢匡山性淳上人

塵中炎不耐林密畫生寒入寺已成趣逢僧尤
覺歡伊蒲虔設饌香荔競饗餐勿心聽齋鐘動巢
鳥下法壇

胡白叔見過山齋小集次韻

苔痕供躡屐雲影稱披襟蠹粉生殘笈禽聲噪
密林交新方把臂調合頓傾心石鼎茶烟細頰
斟共短吟

送湛寰上人還天台

六載居閩嶠故山思越中錫歸華頂上方閒石

卷四十一
橋東桐栢鳴秋雨
桃花落曉風披闌
遙欲賦吾
自愧興公

九月十五日集高景倩載德常爲乃郎楚

材賦花燭詩

團圓天上月偏照合歡杯
鼓送魚軒至
妝憑鳳管催
繡幃當畫屨
羅薦徹明開
自作高唐賦
仙郎是楚才

送徐仲芳歸嘉興

與曹能始結石倉社

故鄉歸槁李春水
一帆風地主舊交
少石君新

社空游同范少伯家近顧逋翁離思深雲樹高樓烟雨中

何舅悌北上夜過山齋同吳中胡白叔秀

水徐仲芳賦送共用陳眉公扇頭四韻
屋後環修竹孤齋傍小山屐聲來徑曲帆影望
江灣韻險秋吟苦香消夜坐閒不須投客轄早
已鎖松關

秋色何蕭爽涼聲葉滿山客來吳地秀人去潞
河灣燭短頻呼續杯深不放閒暫時歡聚首離

思已相關

征車停信宿訪友戀青山燕谷雲千里閩溪水
數灣行人方擾擾桑者自間間未夕且爲樂聞
雞將度關

遠志成小草茲行方出山馬嘶投幾驛舟泊向
何灣風雪前途苦烟霞此夕閒吳歛兼越調相
與唱陽關

輓守叢上人

上人名如衡幼出家于芝山後徒順昌近又

徙福清甲寅孟夏予以事之福清與上人同
寓鎮東九竺山二寶寺復同游瑞巖靈巖福
廬諸山臨別約今春至三山未幾聞上人病
劇遂以八月某日歸寂年未四十也上人善
畫墨蘭嘗贈予一卷今寶藏之

去歲玉融縣逢師情倍殷共眠孤寺月同踏萬
峰雲法相方歸寂枯骸已就焚楚蘭留墨蹟披
閱尚氣風盪

喜林子實過訪

交君三十載白首却如新老去詩狂在骨來醉
態直春風雙鬢改夜雨一燈親不學平原客爲
期但闕句

丙辰五日雨水方天樹綠玉齋聽雨

丙辰

雨節偏逢雨風鳴少女齊匡牀連牖北殘燭剪
窓西浙瀝承蕉響簾纖醉竹低共拚長夜飲莫
使屐沾泥

覺淵上人閉不語關於金雞山樓雲菴三
年完滿歸杭州送之

無語關長閉蓮花出淤泥經來馱白馬山靜聽
金雞檀越空云施松枝不向西樓雲從此別歸
去卧雲樓

慧淵上人歸西湖

法弟閉禪 師兄日在山髮隨青草薙身與白
雲閒半偈自能悟一錢誰破怪西湖烟月勝錫
杖遠飛還

杉洋鳳凰寺

千層盤嶺路嶺盡見平洋寺徙新龍象山名舊

鳳凰僧來從雪竇客到禮雲堂
桂子飄金粟秋風送古香

杉洋憩鮑叟家

問歲今逾耄傳家享素封
眼看孫作祖身課僕爲
農稻熟輸秋稅門開對晚峰
客來具雞黍閒坐語從容

半莊院

宋名報恩寺

未訪姬巖路先尋佛地來
爐峰當法座祇樹隱香臺
鷲影盤空落雞冠耀日開
不能留一宿欲

別屢徘徊

姬巖

一名雞巖

披榛三十里始到萬峰巔
仙去知何代姬藏誤
往年石門稀見日崑崙
不分天夜靜諸緣寂
雞聲叫暮烟

路遙遊不易地僻少人蹤
獨坐月生袖朗吟雲
盪胸天光連遠海
山色接鄰封
林杪前朝寺
千崑應一鐘

龍洞開容線崎嶇不易尋
看泉晴秉燭禱雨夜

鳴金束峽蒼藤古粘堵綠蘚深陽光渾不到清
晝亦常陰

處處神仙窟茲稱第一家山留千歲木洞發四
時花嵌石樓全固鐫巖字半斜真人遺竈在無
計覓丹砂

姬巖歸遇雨投清涼寺

諸嶺行將盡林中見寶坊橋危虹影斷溪繞練
光長烟抹寒巖翠雲添古樹蒼坐看飛雨過世
界轉清涼

倪柯古商孟和偶過山齋孟和爲柯古作

柳岸維舟圖漫題其次

丁巳

清和當首夏客過竹中談偶拾鸞牋出頰將兜
穎含遙嶺濃抹黛積水淺拖藍小艇維新柳依
依似漢南

送人游北雍

夜月橋門入春風帝里過花香聞御苑柳色渡
交河劍佩魚腸古臺收駿骨多酒酣頰擊筑市
上聽燕歌

賦得若溪釣隱寄古田張子文

爲漁溪上隱
葦草織成衣
幽意花邊權
生涯柳畔磯
魚從笊箸入
鷗傍竹竿飛
莫是玄真子
斜風細雨歸

羅源白塔寺觀宋蘇舜欽刻石上才翁所賞樹石六字

白塔廢何年
禪關古道邊
寺傳唐代勅
石露宋人鐫
明滅龕前火
高低隴上田
俯看塵世界
一片縣城烟

金垂渡

東墻才問渡一舸又金垂
自勢亂無次潮聲來
有時風腥魚網近
樹折鳥巢歎村落人烟少
停車待午炊

寓龜湖寺僧寮

層層剋石磴古剎俯山城
猊座金身剝龜湖碧
浪明嶺高宿暮色
樹老戰秋聲四壁啼蛩切
清宵夢不成

郭鳳起招遊東臯別業

旅游情不愜舒嘯出東臯山靜竹生籟風清松
湧濤門臨魚沼近堂宸鶴峰高淪茗泉如乳無
煩進濁醪

贈郭聲寰

惠連群從好君有古人心種秫全供酒栽桐盡
斲琴眼青聊玩世鬚白爲耽吟作畫如宗炳名
山卧裏尋

題郭君勉雙樹軒

讀書依古剎雙樹拂軒前竹簡經年削藜燈未

夜燃窓開雲散後簾卷
月來先郭象玄言遠
占南華注幾篇

寺舍病懷

旅病依僧舍淒然動客愁
耳聞塔蟻鬪聲讓砌
蟲啾夜漏來孤枕寒威入
敝裘微軀需藥物地
遠復何求

題郭時序齋居

紅塵籬外隔此地有烟霞
餉客時烹茗教兒暮
灌花爐香消晷刻書卷度
年華紙帳孤眠穩荒

池靜聽蛙

送林舒夫歸玉融

故鄉孤識面，逆旅巧相逢。
共躡秋山屐，同聽古院鐘。
別魂消兩地，歸路過千峰。
行矣慎眠食，淒其霜露濃。

宿黛凝寺

紅樹如丹渥，青山似黛凝。
路從高漢下，寺本大唐興。
鐘響頻驚客，衾寒獨傍僧。
夜深霜月影，斜照一溪冰。

黛凝寺次張叔張吳光卿壁間韻

古剎藏山鏤條然絕片塵鳥啼聲韻別僧吐語
言真入夢梅花月消寒竹葉春萬峰凝翠黛一
一染衣巾

獅峰寺

崎嶇下嶺坂遙問寺門敲峰聳如獅子泉流是
鹿跑片雲穿竹隙微月上松梢一入清幽地塵
凡念總拋

福寧資壽寺訪超上人

城中諸寺廢此似魯靈光淨域居人境高瞻拂
女牆簾鉤滄海月鐘扣石樓霜舊識縮流在相
逢清話長

彼岸閣拜法雨上人影堂兼訊續燈高足
上人燕人也卓錫秦川城南之觀音閣嘗往
來三山與予最密去歲之秋訪予山居出畫
菊素題爲別今冬予至秦川聞上人以初夏
皈寂年僅四十拜哭影堂不無今昔之感

行滿俄皈寂空堂拜影神畫圖猶在壁經卷已

成塵宰堵藏金骨浮雲了幻身傳燈有高足相
對倍情親

南峰菴

千歲古榕根中空稱作門石橋斜跨澗碑版矮
圍垣雷筍拙猶短霜花綴獨繁林陰無日影轉
覺易黃昏

龍泉菴同何俊卿遊

並轡出東城松間聞磬聲路緣蒼竹入僧出翠
微迎就鳥嶺攀難盡龍泉汲愈清欲徵興廢事碑

勤宰官名

答商孟和見過山居

戊午

露壓竹微醉日薰花欲然迂疎成我性寂寞得
君憐絮落鶯啼後蔬肥蝶化先晚鐘仙觀起清
韻過林烟

雨中同范穆其陳振狂陳泰始曹能始集

鄭吉甫書帶草亭分韻

官本未宜休惟應避督郵詩成人競和酒熟客
俱留雨壁調絃潤雲窓捲幔幽離離書帶草猶

似舊時秋

送空生上人游方

雲水一瓢輕閒游不計程
村莊憑乞食洞壑任
經行雪裏袈裟影空中
剪尺聲機鋒參老宿自
有性珠明

雨中過林子實山樓

停權碧溪潯黃梅雨過林
入樓山意動繞戶澗
聲深客不至蒸藜餉詩成
枕麴吟匆匆且爲別歸
路更相尋

春山集
卷之六
一
雨夜泊吉溪

旅泊雨蕭蕭蓬窓氣沈寥人烟沙嘴市漁火水
心橋野竹通泉急高杉出澗遙客愁當此際那
得不魂消

吉溪阻漲

雨色鬱難開粘天白浪來亂山爭瀉瀑幽壑盡
奔雷險比龍門石狂如灩澦堆風波阻行旅舟
子漫相催

吉溪阻漲登觀音閣

清涼菩薩界俯瞰一溪烟暑氣消長日波光接
遠天松扉閒閉雨竹筧細分泉未放橋邊棹聊
尋半榻眠

貢川慧照寺

寺幽名慧照像古見慈悲山色多奇處溪聲無
歇時竹房關去密松磴躡來危不厭低徊久城
陰舟暫維

康汝易移酒沙上共酌

桂棹維溪後蒲團藉地初看雲還聽鳥酌醴復

焚魚樹靜風生緩山低日落徐偶成良宴會取
醉漫教虛

宿王相如山樓

虛樓留客夕半榻付烟霞燈_瑤石宮松影帷香近
藕花荒村無吠犬深沼有鳴蛙瓦枕閒眠穩他
鄉到是家

游下東華寺

千盤緣古道烟樹鬱相連經諷僧房夕碑題孝
廟年雲巢蒼壁半風鐸紫霄邊更陟山巔去新

涼鬪暮蟬

游上東華寺

絕頂寺門開
尋僧溥暮來
叢叢皆碧篠
步步盡蒼苔
城繞山千疊
溪瀦水一杯
下方有名剎
鐘磬遞相催

雨夜旅懷

不耐黃梅雨
瀟瀟夜未休
亂山雲盡濕
諸澗水爭流
滴破還鄉夢
滴添作客愁
酒杯與詩卷
差可暫淹留

相如樓中檢亡友林子真遺墨

感慨同心友來遊在昔年名應傳此地骨已閉
重泉響像思如見留題觸尚鮮平生一掬淚黯
黯落燈前

龍門巷

緩步溪橋夕清幽入化城吟看殘照落坐愛晚
涼生松老全嘯巖花開不識名穹碑紀沿革文
字逼陰鏗陰汝建孝廉作碑文

黃蔭華司理出餞龍門橋次韻爲別

作客兩經旬，憐君念病身。
花期盟已負，藥物贈來頻。
雀舫空裝月，龍門獨問津。
紅塵愁極目，拂拭滿衣巾。

逢吳兆聖卽別

濉陽交籍廣，偏恨會君遲。
逆旅初識面，宛然成舊知。
巖前杯蟻綠，庭際草蟲悲。
不耐因緣淺，相逢又別離。

送僧之永豐博山寺

選佛修行處，今時盛博山。
拋家從此去，參學莫

思還草色當跌坐松聲與閉關披緇年最少消
受一生閒

送王阿隆下第還溫陵

落第出江關西風愴別顏珠空投暗道璞但蘊
荆山臯比王通重貂裘季子還月中有叢桂畢
竟待君攀

送同爾上人東游

蒲團趺坐久一錫又東游遇寺身堪寄逢山足
便投詩情千嶂夕禪意半江秋故院梅花發寒

香空蒲樓

宿能始聽泉閣

閣中還信宿靜聽夜泉鳴簷溜不同韻水絃無
此聲瀉添諸壑響流沁衆池平風送來孤枕遽
然夢寐驚

寄陳可棟

雲松秀可攬隱者結爲巢名酒唇堪入奇書手
自抄後生恒贊見先哲盡神交老去綠俱澹惟

詩不肖拋

可棟有神交篇

別在杭至南昌

追隨逾數舍離別在須臾萬里王程促殘年客
况孤碧雞趨絕域飛鷺望洪都莫道南天遠桑
蓬志已符

徐橋別在杭

相歡情未已相別路何長使者高軒過徵君故
宅荒空枝鳥影月衰草馬蹄霜玉珮能相贈鐘
陵是涓陽

送習生上人歸補陀

經行從玉嶺相遇在南州去路孤踪遠空江一
葦浮竹深祇苑夕松偃寺門秋方外難爲別智
詩贈惠休

春夜同幼晉幼明夢得集安仁池上聽雨

同用燈字

已未

聽雨坐寒燈宵深響倍倍增柳眠霜翠黛花落濕
紅縮池耗添流滿簷屋高疊浪層連牀宜此際清
話到晨興

浴室寺訪聞谷上人房同用升康侯安仁

三王孫秋水匡雲二上人同用雲字

寺本唐朝建名因馬祖聞鐘聲沈暮霽樹影濕
春雲饌已桑門設香先竹院焚試詢南岳後宗
派幾支分

春日過澤弘王孫書齋

朱門如白屋花竹自爲鄰隱几有清况掃窓無
片塵詩情能逼魏篆法獨師秦犢鼻何須問人
知南阮貧

送匡雲上人游南華

凌空一錫飛何處可皈依天際孤帆遠雲邊五
嶺微因風辨幡影乘月和禪扉吸盡曹溪水先
傳舊法衣

題喻季布谷口草堂

草堂依谷口山色碧嶙峋花木成幽趣烟霞作
近鄰積書元自富嗜酒不曾貧試問閒居意何
如鄭子真

和張曼胥蓬蒿園立夏雅集十一首次韻

余以巳酉臘月過豫章始識曼胥把臂歡甚

卒卒別去忽復十載今歲再入灌城旅寓上
藍僧舍曼胥誼篤舊好晨夕過從因出蓬蒿
園雅集十一首開卷讀之儼然河漢間想同
時屬和者五人余亦次韻如數風景已非良
游不再想像造語烏足擬諸形容聊爾效顰
因之投贈時已未花朝也

却憐春已盡宴賞趁芳非濃綠當窓滿殘紅著
樹稀卜居伴仲蔚得句擬玄暉不學玄真子爲
漁老釣磯

其詫園居勝湖光似練澄林陰連雨壑樓勢入
雲層西北愁聞警東南喜得朋翩翩豪氣在湖
海識陳登

烟寒迷徑竹風細約浮萍竟日拈重珎石經年對
汗青肩間京兆畫澤畔楚臣醒煉得丹砂就尋
仙入紫冥

留客盤餐遠尋山杖屨便嶺松聽謾謾徑草蹋
芊芊啼血鶻聲老窺人兔影圓東林應接近時
叩遠公禪

習靜耽林藪迹虛在隱淪看花頗約客蔽竹偶
窺人樗散非無用清真孰與倫翛然塵世外蕭
洒鹿皮巾

柱石忘兄貴膏腴得父深名駒生渥水野鹿戀
長林定爾成冲舉何須嘆陸沉莫令猿鶴怨聊
作北山吟

避俗稀輪鞅經旬掩竹關灌畦泉脉脉洗藥雨
潺潺日暖鷗偏狎風徐蝶自還一區堪自適何
必買深山

蔣徑多佳况陶園無俗情棋聲喧水閣帆影過
江城意氣傾時輩文章式後生自耽泉石趣不
是愛遊名

南薰長夏至高枕上皇風蕉葉初分綠桃花已
墜紅石寒苔樾欒路斷竹橋通誰解知幽意寥
寥在此中

一丘聊寄傲鷗鷺日爲群寒酒犁鋤雨晴生枕
簾雲魚來供鶴餉果熟任猿分四壁圖山水揮

絃學少文

朱明初屆候荷葉暗吹香桂句張三影團情杜
五郎從來心不競都與世相忘門外微風起松
花點石牀

自飯青松層間聽黃竹歌風光同宛洛詩律逼
陰何野老扶筇至門生問字過丹書盈韭几日
日費編摩

喝水巖夜坐

入洞天疑狹偏逢月在空步尋林影外吟傍澗
聲中趺坐僧堪對頃游侶不同松風與仙梵未

夜聽難窮

喻宣仲張紹和鄭瓚由心過集綠玉齋聽雨

同限生字

故交同日至尊酒話平生忽見雲峰起俄聞雨
陣鳴清音喧竹屋涼意襲桃笙郭裏青山色迎
人似有情

送喻宣仲

草草遊閩嶠遙天觸暑歸却驚交態薄轉覺世
情非荔子餐難盡蒲帆掛若飛抵餘泉石友心

事未相違

夏日叔度過鰲峰山居坐月而歸

峰影茅簷際青山穩寄家炎威當暮減涼氣入
林加遠幽微升月殘陽屢變雲段客來遲別去坐
見絳河斜

石淙菴贈僧太初

剗地當雲壑安禪傍石淙日摩前代刻夜聽隔
林鐘插漢峰千仞通霄路幾重普門甘露水盡
洒壁間松

登水雲亭址摩朱晦翁墨蹟

石扇穿蘿月亭基屐斷崖禪宗叅聖齋前詩句讀
愚齋峰影半插耳江光都入懷不愁山路滑早已
辦青鞋

常惺上人自龍泉移住鼓山

古院廢還興新居出世僧宗風傳百丈妙法演
三乘上界秋聞梵疎林夜見燈近嫌人境接移
住白雲層

馬江夜泛次能始韻

山截海門遙扁舟泛此宵月明初辨石風冷漸
生潮雁影橫沙嘴雞聲響樹腰素娥遂外近揮
手可能招

之滇別家

漂泊頻爲客茲遊今始長一枝携冶劍萬里入
蠻荒馬足宵馳月雞聲曉咽霜孤孫將穉子臨
別屢牽裳

石倉園與曹能始宿別次韻

畏路真難去清言不易酬半宵同宿別萬里獨

生愁世態誰青眼交情已白頭
曹園廢和者若箇比應劉

答叔度次韻

淹留拚夜宿忽忽易天明
別友無窮恨離鄉第一程
交稀投刺少遊薄治裝輕
羨殺家居者頻年送客行

洪江別吳汝鳴次韻

我馬正玄黃南遊棘甕長
滇雲迷去路蠻雨洒行裝
萍跡渾無定花睡半就荒
故人不可見江

樹暮蒼蒼

康婿不食送至白沙舟中夜別

當戶隣兒小登牀得婿賢
半宵共燈燭一別各
雲天野火寒臨驛明河
倒入船叮嚀無別語魂
斷白沙邊

困關與商孟和別

兩年于此地總值殞霜時
仗劍去鄉國出關逢
故知立談成顧戀欲別
轉遲疑疋馬遵前路
頽吟送我詩

舟至尤溪口逢商孟和再用前韻

驛口曾携手溪頭復遇之得拚燒燭話却賴挽
舟遲不了重逢意同吟再別詩只愁天易曉帆
影肯分離

次豐城

行行衝雨雪勞者自成歌雙劍何年出單車此
日過管絃塵市少冠蓋里門多馬首殘山色千
重點翠螺

泊濂村午餉讀豐城舊令江如見紀功碑

江淹曾試宰此地有遺思置驛勞丁壯停驂得
午炊楚閩當要隘章貢會流澌不待看豐碣行
人口卽碑

鄭都官墓

宜春城北路稍得古時塋神向千秋會師因一
字名壠頭狐兔穴江上鷓鴣聲不盡懷賢意難
忘下馬情

游洪陽洞

葛蔓何處去古洞號洪陽石室留雲氣巖扉漏

日光峰巒殊竄窳氣色總蒼茫剔蘚看題刻依稀辨晉唐

湘東黃花渡公館讀朱晦翁詩扁

策騎出湘東萍川路已窮黍炊孤店主詩讀考亭翁古渡黃花外殘村絳樹中鳥啼催暝色日斷楚天空

宿界亭驛

兩月歌行役奔馳倦不勝澗多民病涉山疊客愁登百草嚴霜殺孤亭驟雨崩五溪蠻地近明

發到沅陵

別張夢澤使君

時守常德

天涯初識面宛爾舊知心
名士殷勤問奇書展
轉尋楚雲西望斷湘水
比流深不少衡陽雁他
時好寄音

武陵城上看雪

密酒楚天昏微茫不辨村
封巢膠凍雀着樹忍
啼猿亞竹移青節欺梅濕
粉痕賢王方在郎誰
是賦梁園

宿荷塘驛

匹馬出瀟湘遙天楚望長
霜威焦芋圃風響裂
荷塘夜冷鄰燈暗秋成野飯香
寒蛩不解事哀
咽故依牀

鬱儀齋飲齋中同康侯安仁賦別

主人寧厭客客自厭重來
草草論心事依依戀
酒杯西園雙筆健南浦片帆開
不識此回別相逢還幾回

二日立春游石佛菴

在南城縣藍田鄉庚申

溪曲暫停橈因過白板橋銀鈞暮宋代石像禮
唐朝瓦卜傳靈異巖扉閉寂寥融融春日未坐
到印香消

鰲江釣隱贈單舍人

徙宅成漁隱江聲夢裏聽長竿垂雁紉短檝寄
鷗汀緝軟牽霜白蓑寒覆雨青牀頭何所有一

卷種魚經

春夜同叔度孟和宿浮山堂分韻

剪燭話宵長圖書列一堂雨聲微到枕花氣暗

蒸麻白鳥呼朱欄玄禽夢畫梁交歡二十載幾
得卧江鄉

喜心珠上人自五臺至

一柵披雲出叅方到海門新交授慧遠故院別
文殊乞食春城近題詩夜月孤朗然心境寂仿
佛現尼珠

題鄧道叶深樹齋

羨爾今雲卧名賢昔霧居雜花羅几格深樹覆
庭除泚筆刪僮約開簾檢父書留賓啟二徑芳

草不教鋤

送王龍居游吳

寓法海寺

衝炎趨遠役未卽故鄉還
佛日辭蕭寺仙霞度越關
帆前吳苑月筆底米家山
何處消殘夏平湖水一灣

夏日集野意亭同惟秦叔度

結屋峰之北終朝上此亭
草痕眠漸軟松影踏還青
野馬網縲見鳴蜩遠近聽
石間摹古刻最好是熙寧

新秋同武昌米彥伯集鄧道協齋中

偶過成勝集
茶鼎起烟青
苔厚雲生石
桐疎月到庭
新涼來枕簟
薄吹入窓櫺
莫以巴人調
難諧楚客聽

題安蓋卿聞鐘館

孤齋與寺鄰
鐘響聽何頻
過樹常驚鳥
穿窓欲
近人催詩
當月夕
攪夢在霜晨
好似楓橋畔
扁舟泊水濱

過黃積甫故居

土中埋玉樹萬恨閉泉臺黃鵠孀妻怨青蠅吊
客來愁聞隣笛響忍心見影堂開衰服無兒斬門
生爲舉哀

神宗皇帝輓詞四首

纘緒鍾乾德垂衣六八春萬方歌帝力四海沐
皇仁月色寒丹宸天香散紫宸相如空有賦難
奉屬車塵

帳殿車方晏橋山劍忽藏駿游玄圃曲龍去白
雲鄉大寶傳秦璽南金罷越裳功超漢唐宋踐

祚獨靈長

端拱無爲治，稀聞警蹕聲。
儉謨師禹績，睿藻邁皇明。
漢寢笳簫咽，仙都羽葆迎。
小臣居草莽，五紀荷昇平。

薄海君恩溥，中興帝業隆。
忽昇瑤島輅，因墮玉鼎湖。
弓羽翼歸商嶺，嬋娟泣漢宮。
啟賢新繼統，謳祝八荒同。

陀市

嶺峻拋輿陟，橋崩喚渡過。
村民防虎闕，牧子扣

牛歌雨足肥生菜，年豐熟晚禾。窮秋猶得暖，不見葉辭柯。

午憩新豐豆舖

停車當午餉，茅店亂峰邊。河柳古逾翠，野花秋更妍。林深聞鳥異，海近得魚先。蒲日黃雲密，民歌大有年。

望夜過崔徵仲問月樓次韻

度嶺入鄰封，尋君策短筇。城低環似雉，樹古矯於龍。蕭索開三徑，推窓納衆峰。把杯同問月，露

坐及晨鐘

黃崎公署與張維誠坐月

古鎮負山椒秋高氣沈淒碧空初上月滄海正
生潮宦况於焉澹玄言故自超不須秉官燭露
坐直終宵

寓龜湖書院呈張令君

長溪號巖邑賢令古來無桑柘青千畝桃花錦
萬株談經開馬帳闡道主龜湖日日憑高望雲
山列畫圖

同張維誠令君宿普照巖

千層盤磴道雲際，碧巖懸恠石都。合呂霧修篁總
蔽天，清涼菩薩界。寂靜宰官緣，對坐禪燈下。因
遲午夜眠。

昔賢吟卧處，何代啓雙林。屢變雲巒態，無窮石
溜音。松風清客夢，蘿月浣塵襟。一片鴻濛色，偏
諧靜者心。

支提寺別繆淳之

共深山水癖，處處寄閒身。遇寺參諸佛，論詩見

古人洞猿寒嘯夜巖木早知春何日重來此同
完未了因

光宗皇帝輓詞

憂勤登寶位淡月卽升遐白詔連旬至蒼生萬
國嗟未能承累洽無復見重華正仰雍熙治誰
知望已賒

宸聰容易達咫尺見天顏八相同調鼎孤臣盡
賜環帝心深簡在民瘼切痾瘵鳳駕招難返龍
髯再春莫攀

盛治方更始神符乍握乾聖謨威左戚睿言撤
中消對影疑官燭籌邊散府錢紀元無玉曆醅
似末貞年

廟筭元神異皇圖自泰昌昌忽乘周穆駕不驗越
人方一日齡傷促千秋謚得光杞憂應莫細庶
事幾時康

龜峰集卷之十一終